

Glieks geiht't los

Excel – woto?

Excel is en Tabellenkalkulaschoonsprogramm. Dat bedüüd, dat kann mit Tallen reken, de Se in en Tabell intippt. Mennig Problemen ut'n Alldag, de mit Tallen to doon hebbt, laat sik mit Excel lösen – faken ganz komodig.

Excel is'n bannig düchtigtes Programm, wenn Se dat klipp un klaar seggt, wat dat to doon hett. Eerst denn warrt de Arbeit dör Excel wüchlich lichter. In düssen Kurs kriggt Se allens nödige Weten dorto. Wat Se dorto brukt, is man nix as normale Kenntnisse in Windows (Hanteern mit Fenster, Spiekern usw.).

„Ik weer al jümmers slecht in Mathe!“

Maakt nix. En Tabellnkalkulaschoonsprogramm bedenen hett nich veel mit Mathematik to doon. Avers mit gesunnen Minschenverstand hett dat veel to doon. Excel nimmt Se dat Reken af, avers nich dat Denken. Se brukt keen Genie ween, Se möt bloots weten, wat Se wüllt un woans Se dat Excel verklaart. Dat lehrt Se hier.

Excel starten

As eerst nehmt wi dat Excel-Fenster, uns tokünftige Arbeitssteed, nau ünner de Luup.

Excel sett Se so in Gang: entweder

- ut dat **Start-Menü** dör **Start | (Alle) Programme | Microsoft Excel**


orr

- dör Duppelklick op dat Desktop-Icon, wenn Se een hebbt.




Dat Excel-Fenster geiht op. Uns Bild (süh neegste Siet) wiest dat Programmfenster vun Excel XP. Bi Excel XP gifft dat tosätzlich den **Aufgabenbereich A** rechterhand un eventuell ok de lütte sweven Symbolliest **EuroValue B**. Sünners dat süht dat Excel XP-Fenster neegto so ut as bi de ölleren Excel-Verschoonen. (Se köönt ok mit en öllere Excel-Verschoon düssen Kurs mitmaken; brukt nich jümmers dat Niegste ween.)

Beed brukt Se nu überhaupt nich, dorüm sluut Se nu de EuroValue-Liest mit dat lütte Krüüz baven rechts un den Opgavenberiek liekso mit de Krüüz-Schaltflach to'n Sluten. Dat Sluten is heel unverbindlich; Se köönt sik bi Bedarf beed wedder op'n Billschirm halen!



Wat nablifft, is de nüchtern Arbeitswelt vun Excel. Uns Rundgang geiht los:

- Baven is as jümmers de **Titelliest D**, 'neem rechterhand baven de dree Schaltflächen **E** to'n Minimeern, Maximeern un Sluten in sitt.
- Dor ünner de **Menüliest F**. In Excel XP is in de Menüliest rechterhand buten en Afkörten to de Hülp inbuut **G**; bavento gifft't hier nochmal de Schaltflächen **H** to'n Minimeern, Maximeern un Sluten – woto denn? Na, düsse neddern Schaltflächen meent bloots dat Dokment, dat graad sichtboor is, wioldess de Schaltflächen baven in de Titelliest dat ganze Programmfenster meent. Mit een Klick heel baven rechts sluut Se also dat ganze Excel, mit en Klick een Etaasch wieder nern bloots dat aktuelle Excel-Dokment.







- Ünner de Menüliet gifft't de **Symbolliet I**; mehrst deelt sik twee Symbollieten een Reeg.
- De **Bearbeitungsliet J** is in Excel en echte Arbeitsverlichterung; dat seht Se naher.
- Wieder nern is dat **Tabellnblatt K**. Dat's as'n Schachbrett in Spalten un Reegn opdeelt, un jüst as bi't Schach warrt de Spalten mit Bookstaven kenntekent, de Reegn mit Tallen. De Bookstaven warrt de **Spaltenköpfe L** nöömt, de Tallen de **Zeilenköpfe M**. Över dat Tabellnblatt hett de Muuswieser **N** de Foorm vun en dick Krüüz, dat utsüht as dat Krüüz op de Flagg vun'e Schwiez.
- An'n neddern Rand vun't Tabellnblatt gifft't de Schaltflächen to'n Blättern in de Arbeitsmappe **O** un dat **Tabellnregister P**. Woto de good sünd, lehrt Se bald.
- Heel nern sitt de **Statusliet Q**, dor steiht bet nu bloots dat Woort „bereit“ in. Un dat is je ok good so.

Dat ganze Fenster funkscheneert jüst so, as Fenster in Windows nu mal funkscheneert. Se köönt t.B. mit den waagrechten **R** un lootrechten **S** Rullbalken in't Tabellnblatt rümmerrulln, un wenn Se Excel sluten wüllt, benütt Se einfach dat bövelste Sluutkrüüz rechterhand.

Hülp! – De Office-Assistent

Wenn Se af un to mal Hülp bruken doot, is de Office-Assistent Karl Klammer för Se to Deensten. He is'n Deel vun de Hülp-Funkschoon. – Wat Se mit lütt Karl allens opstellen köönt, steiht in de Tabell.

Problem	Wat doon?
Lütt Karl fehlt	<ul style="list-style-type: none"> • Funktionstast F1 drücken orr • Menü ? Office-Assistenten anzeigen orr • op dat Fraagteken-Icon in de Symboollist klicken 
Lütt Karl schall weg	<ul style="list-style-type: none"> • In't Kontextmenü (rechter Muusklick op Karl) Ausblenden wählen orr • Menü ? Office-Assistenten ausblenden
Lütt Karl schall man blieden, avers an en anner Steed	Treckt Se em per Drag & Drop mit daldrückte Muustast an en Steed, 'neem he nich stöört
De Snackerie-Blaas schall weg	Klickt Se eenmal gau woanners hen
Se brukd Hülp, Se wüllt Karl en Fraag stellen 	<ul style="list-style-type: none"> • Klickt Se eenmal kort op lütt Karl, un de Snackerie-Blaas kümmt vörtüüg. • Se bedeedt ehr as en Dialogfenster. Op de Indrääg köönt Se klicken. • Sodraad Karl rut hett, wat Se wüllt, maakt he de Hülpstexten in't Hülpfenster apen. (Süh nern) • Later köönt Se dat Hülpfenster wedder to-maken. 
Lütt Karl schall man 'n beten turnen	Klickt Se in't Kontextmenü (rechter Muusklick op Karl) op Animation! 
Se muchen Karl nich lieden	<ul style="list-style-type: none"> • Klickt Se in't Kontextmenü (rechter Muusklick op Karl) op Assistenten wählen.... • En Dialogfenster geiht op. • Mit de Weiter-Schaltflack kriggt Se Karl sin Kollegen een na'n anern vörstellt.

Lütt Karl hett en Glöh-lamp an'n Kopp

He meent, he hett'n besünners gode Idee, un will, dat Se em anklickt un sik sin Tipps dörleest. Se köönt dat ok ignoreern, denn geiht't vun alleen weg.





Lütt Karl geiht 'n Licht op

Dat Hülpfenster

Wenn Se dat Hülpfenster erstmal apen hebbt, köönt Se ok ganz ahn lütt Karl Klammer na Hülp söken. Dat Hülpfenster hett en egen lütte Symbolliest mit man wenig Icons; wichtig sünd de Knööp **Zurück A** un **Vorwärts B**, mit de Se as in't Internet dör de Sieden „surfen“ köönt, de Se al besöckt hebbt, un dat **Drucken C** vun'n Hülpstext.

Mit de Knööp **Einblenden** un **Ausblenden** köönt Se sik den




linken Deel vun't Hülpfenster wiesen laten. Dor finnt Se dree Registerkoorten, 'neem de Inhoff vun de Hülp op ünnerschiedlich Wies opgedert is.

Registerkoorten Inhalt, Antwort-Assistent, Index

De Registerkoort **Inhalt D** is en Aart Lehrbook; Se mööt sik (liekso as bi'n Windows-Explorer) dör de dicken Wälzer klicken, bet Se op Bläder mit Fraagteken stött. Dat sünd de Hülpstexten. Klickt Se een an, warrt dat rechterhand wiest. – Düsse ünständliche Registerkoort is nich to bruken, wenn Se mal in en Nootlaag sünd. Wenn Se gau wat Bestimmtes söökt, finnt Se dat so nienich!

- Anzeigen von ui
- Verwalten und I
- Öffnen und
- Informat
- Informat



De Registerkoort **Antwort-Assistent E** is nix anners as lütt Karl Klammer, as Formular opmaakt. Funscheneert jüst so as Karl! – Düsse Registerkoort is in Nootlagen good to bruken. Mehrst finnt een, wat een söökt.

De Antwort-Assistent

De Registerkoort **Index F** is an'n ehsten noch liek en Internet-Söökmaschien. Se geevt en Söökwoort in un kriggt alle Hülptexten, 'neem dat Söökwoort in vörkümmt. – Ok düsse Registerkoort in in Nootlagen to bruken, man mehrst finnt een mehr, as een söökt hett.

De Registerkoort Index

Alle dree Registerkoorten föhrt op ünnerscheidliche Weeg na desülvigen Hülptexten! Se mööt de rutfinnen, de för Se sülven best to briken is.



Bruukt Se veel Hülp? Apen laten!

Se köönt dat Hülpsfenster ok jümmers in'n Hinnergrunn apen laten, denn de Hülp is en egen Programmfenster, dat unafhändig vun Excel besteht. Wenn Se Hülp bruukt, klickt Se in de Taskliest op de Schaltflack vun de Hülp, süss arbeit Se in Excel, as Se dat wennt sünd.

